



故宮珍本叢刊

學海君道部

第八冊 共九冊

故宮博物院編 海南出版社

故宮珍本叢刊第 499 冊子部雜家類

故宮博物院編

學海君道部

第八冊（共九冊）

海南出版社

圖書在版編目(CIP)數據

故宮珍本叢刊.第492~500冊,子部.類書/故宮博物院編.-影印本.-海口:海南出版社,
2000.12

本輯包括:學海君道部/(明)饒伸輯

ISBN 7-80645-874-3

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2000)第 75627 號

故宮珍本叢刊第 499 冊

子部·類書

學海君道部

第八冊(共九冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 1 月第 1 版 2001 年 1 月第 1 次印刷

開本:787×1092 毫米 1/16 印張:25 印數:1-400 冊

ISBN 7-80645-874-3/Z·41

定價:5240 元(子部類書 33 種共 33 冊)

本書如有印裝質量方面問題請與我社或承印廠聯係
我社爲本書每冊(種)書新編的目錄均置於每冊書末

學海君道部卷之一百八十四

創業類 六十

篡逆始事一

危言曰莊子有言竊鉤者誅竊國者族族之門仁義存焉非虛言也自古盜國者曷嘗不假仁義哉易曰臣弑其君子弑其父非一朝一夕之故其所由來者漸矣由辨之不早辨也羿之篡夏也乃因夏民以代夏政從之篡羿也樹之詐匿外內咸服田氏篡齊王氏篡漢皆以其漸取之衆一散而不可復權一去而不可收彼以忽敗此以偽成蚩蚩者惟從權利耳安知真偽有國家者辨之早而防其漸雖有大奸無繇得志矣故著篡奪之由以爲鑒戒云

大逆篇一

篡逆始事

卷一

有窮后羿篡夏章

夷羿有窮氏窮國之侯也夏后太康敗於洛表羿拒之於河而代之尚書曰太康尸位以逸豫滅厥德黎民咸二乃盤遊無度畋于洛表十旬弗反有窮后羿因民弗忍距於河

左傳晉魏絳曰昔有夏之方衰也后羿自鉏遷於窮石因夏民以代夏政恃其射也不修民事而淫於原獸棄武羅伯因熊髡龍圍而用寒浞

周虞人之箴曰在帝夷羿冒於原獸入其國恤而思其虐壯武不可重用不恆於夏家

注曰羿雖有夏家而不能恆大之愚謂虞箴如此是猶惜羿之不能盡取夏也且從其僭而稱之曰帝君子之言不當如是



金氏會論太康十有九歲王畋于洛表羿拒之于河五弟御母以從遂都陽夏二十有九歲王崩于陽夏弟仲康踐位二歲命胤虞征羲和三歲羿滅伯封之十有三歲仲康崩子相踐位徙都南丘

路史云羿逐相而自立因夏民以代夏政遂滅伯封詳世系類

金氏曰仲康即五子之一也自太康畋于有洛之表而羿距太康於河仲康及其羣弟避有窮之難奉其母濟河而南後太康于洛汭太康越在草莽不能復國城于旬服東南而居之及太康崩而仲康立說者多稱羿廢太康而立仲康失之矣使羿廢太康而立仲康既立使胤虞爲司馬兵柄有歸矣而不討羿是德羿也不返太康是終兄也不然權出於羿是仲康爲虛位而胤虞爲羿黨也若是則胤征之書孔子奚取焉且傳稱羿代夏

篡逆始事

卷一

二

五百

政號帝夷羿豈立仲康而爲之臣者其不然也明矣仲康繼立命胤虞掌六師其規模舉措固已有大過人者羲和不共王職而歸于有窮是以有徂征之師然不能以加之羿者或者勢未可與以義之強僭而終仲原之世莫敢誰何者以仲康之賢有胤虞之助也路史衆命伯封叔及昭明作衍曆歲紀甲寅敬授人時則伯封夏之天官仲康征羲和而夷羿滅伯封是與王室爭諸侯耳

寒浞代羿弑夏后章

寒浞者寒君伯明氏之讎子弟也寒君惡之棄諸窮夷羿以爲已相及羿篡夏而荒淫浞殺羿而代之遂繼夏后相

左傳魏絳曰寒浞伯明氏之讎子弟也伯明后羿之子也羿收之

信而使之以爲已相浞行媚於內而施賂於外愚弄其民而虞羿于田樹之詐慝以取其國家外內咸服羿猶不悅將歸自田家衆殺而烹之浞因羿室生澆及豷恃其讒慝詐僞而不德於民澆作豷使澆用師滅斟灌斟尋處澆于過處豷于戈靡自有鬲氏拔二國之燼以滅浞而立少康少康滅澆于過后杼滅豷于戈有寤由是遂亡

會諱曰后相繼立依同姓諸侯斟灌斟鄩氏二歲征昧夷七歲昧夷來賓八歲寒浞殺羿路史云浞襲羿之號二十有八歲寒浞使其子澆弑后相于帝立后緡歸于有仍靡奔有鬲氏癸卯少康生又四十歲壬子靡曰有鬲氏拔二斟之衆滅寒浞立少康

真氏曰自古姦臣欲盜其君之國非挾宮闈之助合左右之交

纂述始事

卷一

三

五

則不能獨爲故寒浞之相羿也行媚於內而施賂於外內外盤結無一發其姦者然後得以愚弄上下而恣其所欲爲使羿無從禽之荒則茲心未愾猶有時而覺也故又娛羿于田使之馳騁弋獵以汨亂其精神顛倒其志慮於是詐慝之謀得立而取羿之國戕羿之身若反手然當夏之時風俗淳質已有巧於篡奪如寒浞者況後世哉是以虞周君臣更相戒戒曰無逸遊無耽樂以此爲防後世猶有湛於酒色而舉國授人如漢成帝者危言曰羿之距太康也因民弗忍而太康猶得間國立國以傳少康迄后相而後羿代夏政及浞殺羿遂弑相而滅夏是促之羿浮於羿也且其盜國情狀爲萬世姦雄作偏言誅筆伐其能盡乎

王莽篡漢號新章

漢王莽孝元皇后之弟子也元后父及兄弟皆以元成世封侯居位輔政家九侯五大司馬詳世系類本章成帝永始元年己夏五月封太后弟子莽爲新都侯

太后兄弟八人獨弟曼早死不侯子莽幼孤不及等比其羣兄弟皆將軍五侯子乘時侈靡以輿馬聲色佚游相高莽因折節爲恭儉受禮經師事沛郡陳參勤身博學被服如儒生事母及寡嫂養孤兄子行甚敕備又外交英俊內事諸父曲有禮意陽朔中大將軍鳳病莽侍疾親嘗藥亂首垢面不解衣帶連月鳳且死以托太后及帝拜爲黃門郎遷射聲校尉久之成都侯商上書願分戶邑以封莽長樂少府戴崇侍中金涉中郎陳湯等皆當世名士咸爲莽言帝由是賢莽太后又數以爲言至是封莽爲新都侯遷騎都

纂述始事

卷一

四

尉光祿大夫侍中宿衛謹敕爵位益尊節操愈謙散與馬衣裘振施賓客家無所餘收贍各士交結將相卿大夫甚衆故在位更推薦之游者爲之談說虛譽隆洽傾其諸父矣敢爲激發之行處之不斬而莽兄永爲諸曹丞又有子光莽使學博士門下莽休沐出振車騎奉羊酒勞遣其師恩施下竟同學諸生縱觀長老歎息光年小於莽子宇莽使同日内婦賓客滿堂須臾一人言太夫人苦其痛當飲其藥比客罷者數起焉嘗私買侍婢昆弟或頗聞知莽因曰後將軍朱子元無子莽聞此見種宜子爲買之卽日以婢奉子元其匿情求名如此

真氏曰此莽飾僞釣名之始也然當是時豈必遽有篡志哉覆霜之不戒則其漸必至於堅冰是以聖人畏者

尹氏曰高帝之約非有功不侯此漢家法也然其後外戚往往無功受封今又及其疏屬故特揭太后弟子書之以譏其失且以志篡竊之始也

綏和元年癸丑冬十一月以莽為大司馬

是時太后姊子淳于長以材能為九卿先進在莽右莽心害長寵陰求其罪過大司馬曲陽侯根白之長伏誅以上帝以莽首發大姦稱其忠直根因乞骸骨薦莽自代遂以莽為大司馬年三十八矣莽既授出同列繼四父而輔政欲令名譽過前人遂克已不僂聘諸賢良以為掾史賞賜邑錢悉以享士愈為儉約母病公卿刻侯遣夫人問疾莽妻迎之衣不曳地布蔽膝見之者以為僮使問知其夫人皆驚其飾名數如此

篡逆始事

卷一

五

綏和二年甲寅春三月帝崩夏四月太子即位是為哀帝秋七月罷大司馬莽就第

莽輔政歲餘成帝崩哀帝即位尊皇太后為太皇太后太后詔莽就第避帝外家莽上疏乞骸骨帝遣尚書令詔莽曰先帝委政於君而棄羣臣朕得奉宗廟誠嘉與君同心合意今君移病求退以著朕之不能奉順先帝之意朕甚悲傷焉已詔尚書代君奏事又遣丞相孔光大司空何武左將軍師丹衛尉傳喜白太后曰皇帝聞太后詔甚悲大司馬即不起皇帝即不敢聽政太后復令莽視事時帝祖母定陶傳太后母丁姬在高昌侯董宏上書言春秋之義母以子貴丁姬宜上尊號莽與師丹共劾宏誤朝不道免宏為庶人傳太后大怒要上必欲必稱尊號上乃白太皇太后尊定

陶共王為共皇傳太后曰共皇太后丁姬曰共皇后至是置酒未央宮內者令為傳太后張幄坐於太皇太后坐傍莽案行責內者

今日定陶太后藩妾安得與至尊並徹去更設坐傳太后大怒不肯會莽詭託特正寵絡朝廷然無君之心於此見矣莽復乞骸骨帝賜莽黃金五百斤安車駟馬罷就第公卿大夫多稱之者上乃加恩寵置使家中黃門

十日一賜餐下詔曰新都侯莽憂勞國家執義堅固朕庶幾與為治太皇太后詔莽就第朕甚憫焉其以黃郵聚戶三百五十益封莽位特進急事中朝朔望見禮如三公軍駕乘緣車從緣車皇孫出行令莽乘之以從所以寵也

哀帝建平二年丙辰夏遣新都侯王莽就國

朱博既相上用其議尊共皇太后傳氏為帝太太后共皇后丁氏

篡逆始事

卷一

六

四百四十四

為帝太后丞相御史言師丹王莽前不廣尊尊之義抑貶尊號虧損孝道當伏顯戮幸蒙赦令不宜有爵土請免為庶人詔免丹以莽與太皇太后有屬勿免遣就國莽杜門自守其中子獲殺莽又欲折切責獲令自殺在國三歲吏民上書冤訟莽者以百數歸心矣

元壽二年庚申夏六月帝崩太皇太后以王莽為大司馬領尚書事秋七月迎中山王箕子為嗣是為平帝

元壽元年四月日食賢良周護宋崇等對策深訟莽功德帝於是徵莽還京師侍太后始莽就國南陽太守以莽貴重選門下掾阮八孔休守新都相休謁見莽莽盡禮自納休亦聞其名與相答後莽疾休候之莽緣恩意進其王具寶劔欲以為好休不肯受莽因

集連始事

卷一

七

五十三

曰誠見君面有癰瘻玉可以滅癰欲獻其珠耳卽解其珠休復辭讓莽曰君嫌其賈耶遂推碎之自裹以進休休乃受及莽徵去欲見休休稱疾不見孔休可謂見於衆人之所未見者矣莽還京師歲餘帝崩無子而漙太后丁太后音先薨太皇太后卽日駕之未央宮收取璽綬遣使者馳召莽詔尚書諸發兵符節百官奏事中黃門期門皆屬莽莽曰大司馬高安侯董賢年少不合衆心收印綬賢卽日自殺太后詔公卿舉可大司馬者大司徒孔光以下舉朝皆舉莽前將軍何武後將軍公孫祿二人以爲惠昭之世外戚持權幾危社稷幼主不宜令外戚大臣今比世無嗣方當選立近親不宜令外戚持權親疎相錯爲國計便於是武舉祿而祿亦舉武太皇太后自用莽爲大司馬領尚書事與議立嗣安陽侯王舜莽之從弟其入修

飭太后所以信愛也莽曰以舜爲車騎將軍使迎中山王奉成帝後時年九歲矣

劉氏曰綱目書太皇太后以莽爲大司馬者病太后也莽之篡太后成之是故封新都侯爲大司馬及居攝踐阼稱假皇帝皆以太皇太后詔書所以歸其責於太后也與莽議立其子爲嗣於是乃九歲耳莽所利也

厄言曰篡漢者莽也亡漢者王后也當哀帝之崩王后委政於莽又立幼主以爲莽利非惟利莽王后亦自利也王后自欲臨朝不得不立幼而脅制於莽之姦不得不聽其所爲當其時豈復有漢社稷之慮哉愚謂王后者宜與呂武同類而共誅之也太皇太后臨朝稱制大司馬莽秉政百官總已以聽

集連始事

卷一

八

太后臨朝稱制委政於莽莽曰趙氏前青皇子傳氏驕僭遂廢孝成趙皇后孝哀傳皇后爲廢人皆令自殺又追貶傳太后爲定陶共王母丁太后爲丁姬莽以大司徒孔光名儒相三主太后所敬天下信之於是盛尊事光引光女婿甄邯爲侍中奉車都尉諸哀帝外戚及大臣居位素所不說者莽皆傳致其罪爲清奏令邯以太后指風光上之莽曰太后輒可其奏於是前將軍何武後將軍公孫祿坐互相舉免丁及董賢親屬皆免官爵徙遠方取陽侯立太后親弟能不居位莽以諸父內敬憚之畏立從容言太后今已不得肆意乃復令光奏立舊惡前知定哀侯淳于長犯大逆罪多其賂爲言誤朝復白以官婢楊寄私子爲皇子衆言曰呂氏少帝復出紛紛爲天下所疑難以示來世成繼祿之功請遣立就國太

后不聽莽曰今莽家衰比世無嗣太后獨代幼主施政誠可畏懼力用公正夫天下尚恐不從今以私恩逆大臣議如一羣下傾邪亂從此起宜可且遣就國安後復徵召之太后不得已遣立就國立爲私莽非私乎典又章孫建爲爪牙豐子尋歆子棻崔發陳崇皆以材能幸於莽莽色厲而言方欲有所爲微見風采黨與承其指意而顯奏之莽稽首涕泣固推讓焉上以惑太后下用示信於衆庶

真氏曰此莽得權用事之始也故其情浸與昔異其推尊孔光以其有重名而易制也名重則可以欺天下易制則不妨已之權而可以行已之志前則霍光之於蔡義後則任文之於杜佑其術略同自孔子以色厲內荏爲穿窬之盜蓋外爲剛勁之色

而中實陰柔所以欺世盜名也莽之竊國蓋用此術欲有所爲微示風指及其得請則涕泣固辭姦僞至此雖明君未能遽寧况易欺之母后與易惑之衆庶乎其潛移漢鼎宜矣

尹氏曰亂臣賊子其篡竊必非一日觀綱目所書百官總已以聽之詞則知莽之移國其所由來者漸矣履霜堅冰至豈不信哉

平帝元始元年辛酉春正月益州塞外蠻夷獻白雉以王莽爲太傅安漢公

莽風益州令塞外蠻夷自稱越裳氏重譯獻白雉一黑雉二莽白太后下詔以白雉薦宗廟羣臣因奏言太后委任大司馬莽定策安宗廟故大司馬霍光有安宗廟之功益封三萬戶疇其爵邑此

集逆始事

卷一

九

蕭相國莽宜如光故事太后召問公卿曰誠以大司馬有大功當著之邪將以骨肉故欲異之也於是羣臣乃盛陳莽功德致周成白雉之瑞千載同符聖王之法臣有大功則生有美號故周公及身在而託號於周莽有定國安漢家之大功宜賜號曰安漢公益戶疇爵邑上應古制下準行事以順天心太后詔尚書具其事莽上書言臣與孔光王舜甄豐甄邯共定策今願獨條光等功賞寢置臣莽勿隨輩列甄邯白太后下詔曰無偏無黨王道蕩蕩屬有親者義不得阿君有安宗廟之功不可以骨肉故蔽隱不揚君其勿辭莽復上書讓太后詔謁者引莽待殿東廂莽稱疾不肯入太后使尚書令伺詔之曰君以選故而辭以疾君任重不可闕以時亟起莽遂固辭太后復使長信太僕閼承制召莽莽固稱疾左右

集逆始事

卷一

十

后太后宜勿奪莽意但條孔光等莽乃肯起太后乃下詔以孔光爲太師王舜爲太保甄豐爲少府卿封承陽侯四人既受賞莽尚未起羣臣復上言莽雖克讓朝所宜章以時加賞明重元功無使百僚元元失望太后乃下詔曰大司馬新都侯莽三世爲三公典周公之職建萬世策功德爲忠臣宗化流海內遠人慕義越裳氏重譯獻白雉其以召陵新息二縣戶二萬八千益封莽復其後嗣疇其爵邑封功如蕭相國以莽爲太傅幹四輔之事號曰安漢公以故蕭相公甲第爲安漢公第定著於令傳之無窮於是莽爲惶恐不得已而起受策策曰漢危無嗣而公定之四輔之職三公之任而公幹之羣僚衆位而公宰之功德茂著宗廟以安蓋白雉之瑞周成象焉故賜嘉號曰安漢公輔翼于帝期於致平毋違朕意莽受太傅安漢公號讓還益封疇爵邑事云願須百姓家給然後加賞羣公復爭太后詔曰公自期百姓家給是以聽之其令公奉舍人賞賜皆倍故百姓家給人足大司徒大司空以聞莽復讓不受而建言宜立諸侯王後及高祖以來功臣子孫大者封侯或賜爵關內侯食邑然後及諸在位各有第序上尊宗廟增加禮樂下惠士庶驟寡恩澤之政無所不施莽旣悅衆庶又欲事斷知太后厭政乃風公卿奏言往者吏以功次遷至二千石及州郡所舉茂材異等吏率多不稱宜皆見安漢公又太后不宜親省小事令太后下詔曰皇帝幼年朕且統政比加元服也比至今衆事煩碎朕春秋高精氣不堪始非所以安躬體而養育皇帝者也故選忠賢立四輔羣下勸職永以康寧孔子曰巍巍乎舜禹之有天下而不與

焉自今以來惟封爵乃以聞他事安漢公四輔平決州牧二千
及茂材吏初除奏事者引入近署對安漢公考故官問新職以知
其稱否於是莽人人延問密致恩意厚加贈送其不合指顯奏免
之權與人主侔矣

真氏曰此莽奪國之漸也凡姦臣之欲奪國必先顯國別惟
吾之所欲為雖奪人之國莫與爭矣

五月拜帝母衛姬為中山孝王后

莽恐帝外家衛氏奪其權白太后曰前哀帝立背恩義自貴外家
幾危社稷今帝以幼年復奉大宗宜明一統之義以戒前事為後
代法乃遣使即拜帝母位姬為中山孝王后賜辛舅寶玄爵關內
侯皆留中山不得至京師中書劄以直言對策曰聖主強祿至親

纂述始事

卷一

十一

分離漢家之制雖任英賢舊援姻戚親疎相錯杜塞間隙誠宜
遣使者徵中山太后置之別宮令時朝見又召馮衛二族裁與元
職使得執戟親奉宿衛以抑禍患之端上安社稷下全保傳莽令
太后詔剛僻經妄說違背大義罷歸田里

二年春黃支國獻犀牛

黃支在南海中去京師三萬里莽欲耀威德故厚遺其王令遣使
貢獻越馬郡上黃龍游

一者疑辭也若曰其所上之辭云爾

孔光等咸稱莽功

德比周公宜告祠宗廟大司農○寶曰周公上聖召公大賢尚猶
有不相說著於經典 不相損今風雨未時百姓不足每有一事
羣臣同聲得無非其美者時大臣皆失色甄邯即時承制罷議者
竇遂為陳崇所劾坐免終於家四月鄧國大旱蝗青州尤甚民流

以莽欲以虛名說太后自言親承前孝哀丁后奢侈之後百姓未
瞻者多太后宜且衣繒練頗損膳以視天下莽因上書願出錢百
萬獻田三千頃付大司農助給貧民於是公卿皆慕效焉莽帥羣
臣奏言陛下春秋尊久衣重練減御膳誠非所以輔精氣育皇帝

安宗廟也臣莽數叩頭省戶下曰爭未見許今幸賴陛下德澤問
者風雨時其露降神芝生蓂莢朱草嘉禾休徵同時並至臣莽等
不勝大願願陛下愛精神神闕略思慮遵帝王之常服復大官之

法膳使臣子各得盡羅心備共養准哀省察莽又令太后下詔曰
蓋聞母后之義思不出乎門闕國不蒙佑皇帝年在繼祿未任親
政戰戰兢兢懼於宗廟之不安國家之大綱微朕孰當親之是以
孔子見南子周公居攝蓋權時也勤身極思憂勞未綏故國者則

纂述始事

卷一

十二

祝之以儉矯枉者過其正而朕不身帥將謂天下何夙夜夢想五
穀豐熟百姓家給比皇帝加元服委政而授焉今誠未臯輕靡
而備味庶幾與百僚有成其最之哉每有水旱莽輒素食左右以
白太后遣使者詔莽曰聞公菜食憂民深矣今秋幸孰公勤於職
以時食肉愛身為國

此一段言莽收攬天下窮民之心

大夫龔勝耶漢罷歸

光祿大夫龔勝大中大夫耶漢以王莽得政皆乞骸歸莽令太后
策詔之皆加優禮而遣之梅福亦知莽必篡漢一朝棄妻子去不
知所之

秋九月匈奴單于遣女人侍太皇太后

莽欲悅太后以威德至盛異于前乃遣使者齎黃金幣帛重賂匈

以單于遣王昭君女須卜居次入侍太后所以賞賜恭奏令中國不得有二人因使使者以風單于宜上書慕漢為一名漢必如厚賞單于從之上書言臣竊樂太平聖制臣故名彙知牙斯今謹更名曰智恭太說曰太后遣使者答論厚賞賜焉

三年癸春聘安漢公恭女為皇后

恭欲以女配帝以固其權奏言皇帝即位三年長秋未建掖廷騰未克乃者國家之難本從公嗣配取不正情者論五經定取女正十二女之義以廣繼嗣博采二王後及周公孔子世列侯在長安者適子女事下有司上奏女名王氏女多在選中者恭恐其與已女爭即上言身以德子材下不宜與眾女並采太后以為至誠乃下詔曰王氏女朕之外家其勿采庶民諸生郎吏以上守闕上書

集選始事

卷一

十三

五十四

者曰千餘人公卿大夫之詣廷中或伏省戶下或言明詔聖德巍巍如彼安漢公盛勳堂堂若此今當立后獨奈何廢公女天下安所歸命願得公女為天下母恭遺長史以下部曉止公卿及諸生而上書者愈甚太后不得已聽公卿采恭女恭復自白宜博選眾女公卿爭曰不宜采諸女以貳正統恭曰願見太后遣長樂少府宗正尚書令納采見女還奏言公女漸漬德化有窈窕之容宜承天序奉祭祀有詔遣大司徒司空策告宗廟雜加卜筮皆曰吉信鄉侯修上言春秋天子將娶於紀則褒紀子稱侯安漢公國未稱古制事下有司皆曰古者天子封后父百里尊而不臣以重宗廟孝之至也修言應禮可許請以新野田二萬五千六百頃益封恭滿百里恭謝曰臣恭子女誠不足以配至尊復聽眾議益封

臣恭伏自惟念得託肺腑獲爵土如使子女誠能奉稱聖德臣恭國色足以共朝貢不須復加益地之寵願歸所益太后許之有事奏故事聘皇后黃金二萬斤為錢二萬萬恭深辭讓受四千萬而以其三千三百萬予十一勝家羣臣復言今皇后受聘踰羣妾以幾有詔復益二千三百萬合為三千萬恭復以其千萬分予九族貧者

真氏曰恭既顯國柄又求為后父然其尊莫與匹矣然委蛇曲折備極姦偽之態若不得已而後受焉自是為宰衡女配宸極朝廷宮省之權一出於已於奪國也何有其後曹操將篡漢亦弑伏后而立其女隋揚堅以后父而取後周天下大抵類此王氏禕曰行媚於內而施賂於外愚弄其民而虞君于田樹之

集選始事

卷一

十四

五十五

詐應以取其國家此寒浞之所以篡夏也恭不學寒浞而事與之合豈冀弑者同一術耶

劉氏曰立后書氏恒也書安漢公恭女權所在也霍后止書立此書聘者厚

夏安漢公恭奏定制度

恭奏吏民車服田宅器械喪祭嫁娶奴婢品制立官稷郡國○鄉皆置學官

安漢公恭殺其子宇滅中山孝王后家

恭長子宇非恭隔絕衛氏恐帝長大後見怨私與衛寶通書教衛后上書謝恩因陳丁傳舊惡冀得至京師恭曰褒賞中山孝王后益湯沐邑七千戶宇復教令上書求至京師恭不聽宇與師吳章

篡逆始事

卷一

十五

及婦兄呂覽議章以為莽好鬼神可為變怪以驚懼之因推類說
 令歸政衛氏字即使寬夜持血洒莽第門吏發覺之莽執宇送獄
 飲藥死吳章要斬宇妻焉懷子繫獄須產子已殺之莽奏言宇為
 呂寬等所誅詿誤流言惑眾與管蔡同罪臣不敢隱其誅魏耶等白
 太后下詔曰夫唐堯有丹朱周文王有管蔡此皆上聖無害下愚
 子何以其性不可移也公居周公之位輔成王之主而行管蔡之
 誅不以親親害尊尊朕甚嘉之昔周公誅四國之後大化乃成至
 於刑措公其專意翼國期於致平莽因是盡滅衛氏支屬窮治呂
 寬之獄連引素所惡者悉誅之元帝女弟敬武長公主素非議莽
 孔陽侯立莽尊屬乎阿侯仁素剛直皆以太皇太后詔迫令自殺
 郡國豪傑及漢忠直臣不附莽者何武鮑宣及王商辛慶忌諸子

皆坐死凡數百人海內震動大司馬護軍奏言安漢公遭子宇
 陷於管蔡之辜子愛至深為帝室故不敢顧私惟宇遭辜喟然憤
 發作書八篇以戒子孫宜頒郡國以教授事下羣公請令天下吏
 能誦公戒者以著官簿此孝經

皮日休曰古者佞臣愛人之貴過乎其親必捨而事之公子開
 方是也愛人之權過乎其子必殺而殉之易牙是也自茲以降
 為夫差臣者將欲奪人之宗必殺已之子王莽殺宇是也孟子
 云古者易子而教教且不可況其殺歟

厄言曰莽篡漢之心已萌於立幼之時矣始而惑太后繼而脅
 太后疏斥王氏尊屬隔絕幼主母家獨秉權執位極人臣其逆
 益著其勢已成而子宇猶以隔絕衛氏恐及後禍為計不知益

之必篡也莽之姦深矣

四年甲子春二月遣大司徒官等迎皇后入未央宮書迎
 加安漢公莽號宰衡

陳崇時為大司徒司直與張敞張棟相善棟者博通士為崇章奏
 稱莽功德崇奏之曰竊見安漢公自初東修值世俗隆奢麗之時
 象兩宮厚骨肉之寵被諸父赫赫之光財饒執足以所悟意然而
 折節行仁克心履禮拂世矯俗確然特立惡衣惡食陋車駑馬妃
 匹無二閨門之內孝友之德眾莫不聞清靜樂道溫良下士惠於
 故舊驚於師友孔子曰未若貧而樂富而好禮公之謂矣一頌及
 為侍中故定陵侯淳子長有大逆罪公不敢私建自誅討周公誅
 管蔡季子鳩叔牙公之謂矣二頌是以孝成皇帝命公大司馬委

篡逆始事

卷一

十六

以國統孝矣即位高昌侯董宏希指求美造作二統公手劾之以
 定大綱建白定陶太后不宜在乘輿幄坐以明國體詩曰柔亦不
 茹剛亦不吐不侮鰥寡不畏疆圉公之謂矣三頌深執謙退推誠
 讓位定陶太后欲立僭號憚彼面刺幄坐之義佞惑之雄朱博之
 傳懲此長宏手劾之事上下一心讒賊交亂詭辟制度遂成篡號
 斥逐仁賢誅殘威屬而公被胥原之誅子胥屈原遠去就國朝政崩壞
 綱紀廢弛危亡之禍不隧如髮詩云人之云云邦國殄賴公之謂
 矣四頌被讒賊時官以儲主董賢據重加以傳氏有女之援皆自知得
 罪天下結讐中山則必同憂斷金相翼藉假遺詔頻用賞誅先除
 所憚急引所附遂誣往究更徵遠屬事執張見其不難矣賴公立
 入卽時退賢及其黨親當此之時公運獨見之明奮以前之威肝

纂述始事

卷一

十七 五九七

衡屬邑振揚武怒乘其未堅厭其未發震起機動敵人摧折雖有
賁育不及持刺雖有樗里不及回知雖有鬼谷不及造次是故董
賢密其鳬鳬遂自絞殺人不還踵日不移晷霍然四除更爲寧朝
非陛下莫引立公非公莫克此禍詩云惟師尚父時惟鷹揚亮彼
武王孔子曰敏則有功公之謂矣五領其於是公乃白內故泗水
相豐釐令邛與大司徒光軍騎將軍建定社稷奉節東迎皆以
功德受封益土爲國名臣書曰知人則哲公之謂也六領其公卿咸
歎公德同盛公勲皆以周公爲比宜賜號安漢公益封二縣公特
不受傳曰申包胥不受存楚之報晏平仲不受輔齊之封孔子曰
能以禮讓爲國乎何有公之謂也七領其將爲皇帝立妃后有司
上名公女爲首公深辭讓迫不得已然後受詔父子之親天性自
然欲其榮貴甚於爲身皇后之尊倖於天子當時之會千載希有
然而公惟國家之統揖大福之恩事謙退動而固辭書曰舜讓
于德弗嗣公之謂矣八領其自公受策以至於今盛蓋翼翼日新
其德增修雅素以今下國後儉隆約以矯世俗後退割財損家以
帥羣下彌躬執平以逮公卿教子尊學以隆國化僅奴衣布馬不
秣穀食飲之用不過凡庶詩云溫溫恭人如集於木孔子曰君子
食無求飽居無求安公之謂矣克身自約饒食逮給物物印市日
關言衣食所需皆買之於市不自營作而不又上書歸孝哀
皇帝所益封邑入金錢獻田輝盡舊業爲衆倡始於是小太鄉和
承風從化外則王公列侯內則帷幄侍御翕然同得各竭所有或
入金錢或獻田畝以振貧瘠收贍不足者昔令尹子文朝不及夕

纂述始事

卷一

十八 五九八

魯公儀子不茹園葵公之謂矣十領其開門延士下及白屋屢省
朝政綜管衆治親見牧守以下考迹雅素審知白黑詩云夙夜匪
懈以事一人易曰終日乾乾夕惕若厲公之謂矣十一領其比三世
爲三公再奉送大行秉冢宰職填安國家四海輻輳靡不得所書
曰納於大麓烈風雷雨不迷公之謂矣十二領其此皆上世之所鮮
禹稷之所難而公包其終始一以貫之可謂備矣是以三年之間
化行如神嘉瑞疊累豈非陛下知人之效得賢之致哉故非獨君
之受命也臣之生亦不虛矣是以伯禹錫玄圭周公受郊祀蓋以
達天之使不敢擅天之功也揆公德行爲天下紀視公功勳爲萬
世基基成而賞不配紀立而褒不副誠非所以厚國家順天心也
高皇帝褒賞元功相國蕭何邑戶既倍又蒙殊禮奏事不各入殿
不趨封其親屬十有餘人樂善無厭班賞以遜苟有一策即必爵
之是故公孫戎戎位在克郎選繇旄頭一明樊噲封二千戶孝文皇
帝褒賞降侯益封萬戶賜黃金五千金孝武皇帝卹錄軍功裂三
萬戶以封衛青青子三人或在襁褓皆爲通侯孝宣皇帝顯著霍
光增戶命疇封者三人延及兄孫夫終侯即因漢藩之固杖朱虛
之鯁依諸將之遞據相扶之執其事雖醜要不能遂霍光即席常
任之重乘大勝之威未嘗遭時不行陷假離朝之執事公非同
類割斷歷久統政曠世雖曰有功所因亦異然猶有計策不審過
微之累及至青戎標末之功一言之勞然猶皆蒙丘山之賞課功
縫霍造之與因也比於青戎地之與天也而公又有宰治之效然
當上與伯禹周公等盛齊隆兼其賤賞豈特與若云者同日而論

哉然曾不得蒙青等之厚臣誠惑之臣聞功以原者其不可割賞不

其本原

其德以首者無出其上褒不檢局是故成王之於周公也度百里之限

越九錫之檢開七百里之宇兼商奄之民賜以附庸殷民六族大路大旂封父之繁弱夏后之璜祝宗卜史備物典策官司彝器白牡之牲郊望之禮王曰叔父建爾元子子父俱延拜而受之可謂不檢以原者矣非特止此六子皆封詩曰人言不讐以德不報報當如之不如非報也近觀行事高祖之約非劉氏不王然而番君得王長沙下詔稱忠定著於令明有大信不拘於制也春秋晉悼公用魏絳之策諸夏服從鄭伯獻樂悼公於是以至賜之絳深辭讓晉侯曰微子寡人不能濟河夫賞國之典不可廢也子其受之魏絳於是金石之樂春秋善之取其臣竭忠以辭功君知臣以

纂述始事

卷一

十九

文五月公一

遂賞也今陛下既知有周公功德不行成王之褒賞遂聽公之固辭不顧春秋之明義則民臣何稱萬世何述誠非所以爲國也臣愚以爲宜恢公國令如周公建立公子令如伯禽所賜之品亦皆如之諸子之封皆如六子卽羣下較然輸忠黎庶昭然感德臣誠輸忠民誠感德則於王事何有唯陛下深惟祖宗之重敬畏上天之戒儀刑虞周之盛敕盡伯禽之賜無違周公之報令天法有設後世有祖天下幸甚太后以視羣公羣公方議其事會呂寬事起至是王愛等復奏言春秋列功德之義太上有立德其次有立功其立有立言唯至德大賢然後能之其在人臣則生有大賞終爲宗聖殿之伊尹周之周公是也及民上書者八千餘人咸曰伊尹爲阿衡周公爲太宰周公享七子之封有過上公之賞宜如陳崇

言下司有司請還前所益二縣及黃郵聚新野田采伊尹周

公稱號加公爲宰衡位上公掾史秩六百石三公言事稱敢言之

羣吏母得與公同名出從期門二十人爲林三十人前後大車十

乘賜公太夫人號曰功顯君封子男二人安爲褒新侯臨爲賞都

侯加后聘三十七百萬合爲一萬萬以明大禮太后臨前殿封拜

安漢公拜前二子拜後如周公故事莽稽首辭讓出奏封事願獨

受母號還安臨印轂及號位戶邑事下太師光等皆曰賞未足以

直功謙約退讓公之常節終不可聽莽求見太后固讓太后下詔

曰公每見叩頭流涕今移病固當聽其讓令朕事邪將當遂行賞

遣歸就第也光等曰安臨親受印轂策號通天其義昭昭黃郵召

陵新野之田爲人尤多皆止於公公欲自損以成國化宜可聽許

纂述始事

卷一

二十一

庚子

治平之化當以時成宰衡之官不可世及納徵錢乃以尊皇后非爲公也功顯君戶止身不傳褒新賞都兩國合三千戶甚少矣忠臣之節亦宜自屈而信主上之義宜遣大司徒大司空持節承制詔公亟入卧事詔尚書勿復受公之讓奏奏可莽乃起卧事上書言臣以元壽二年六月戊午倉卒之夜以新都侯引入未央宮庚申拜爲大司馬充三公位元始元年正月丙辰拜爲太傅賜號安漢公備四輔官今年四月甲子復拜爲宰衡位上公臣莽伏自惟爵爲新都侯號爲安漢公官爲宰衡太傅大司馬爵貴號尊官重一身蒙大寵者五誠非鄙臣所能堪據元始三年天下歲已復官屬宜皆置穀梁傳曰天子之宰通乎四海臣愚以爲宰衡官以正百僚平海內爲職而無印信名實不副臣莽無兼官之材今聖明

纂逆始事

卷一

七十一 列四九十六

一入省中

真氏曰莽於元后爲近親自足以得其意矣而猶必事旁側長御者此寒浞行媚于內之故智也姦賊之心所以彌縫上下者其密如此

起明堂辟雍靈臺立樂徒徵天下通經異能之士

莽奏起明堂辟雍靈臺爲學者築舍萬區作市常滿倉制度甚盛立樂經益博士員經各五人徵天下通一執教授十一人以上及有逸禮古書毛詩周官爾雅天文圖讖鍾律月令兵法史篇文字通知其意者皆詣公車網羅天下異能之士至者前後千數皆令記說廷中將令正乖繆一異說云

真氏曰莽將篡漢故爲此以要譽於天下之士非真有意育材

致賢也

厄言曰明堂辟雍靈臺三者皆文王之事而莽奏爲之立學徵賢蓋以籠絡天下英才且近而易制不但要譽已也

升宰衡位在諸侯王上

羣臣奏言昔周公奉繼體之祠據上公之尊然猶七年制度乃定夫明堂辟雍墮廢千載莫能興今安漢公起於第家輔翼陛下四年于茲功德爛然公以八月載生魄庚子奉使朝用書臨賦管樂越若翊辛丑諸生庶民太和會十萬衆並集平作二旬大功畢成唐虞發舉成周造業誠公以加宰衡位宜在諸侯王上賜以束帛加犖大國乘車安車各一驪馬二駟詔曰可其議九錫之法冬大風吹長安城東門屋瓦且盡莽自以北化匈奴東致海外南懷黃

纂逆始事

卷一

七十一 列四九十五

友惟西方未有加乃遣中郎將平憲等多持金幣誘塞外羌使獻地願內屬憲等奏言羌豪良願等種可萬二千人願爲內臣獻鮮水海允谷鹽池平地美草皆予漢民自居險阻處爲藩蔽問良願降意對曰太皇太后聖明安漢公至仁天下太平五穀成熟禾長丈餘或一粟三米或不種自生或藹不蠶自成甘露自天下醴泉自地出鳳凰來儀神爵降集從四歲以來羌人無所疾苦故思樂內屬宜以時處業置屬國領護事下莽莽復奏曰太后秉統數年恩澤洋溢和氣四塞絕域殊靡不慕義越裳民重譯獻白雉黃支自三萬里貢生犀象海王度大海奉國珍匈奴單于順制作去二名今西域良願等復舉地爲臣妾昔唐堯橫被四表亦以加之今漢業已有東海南海北海所未有西海郡請受良願等所

地爲西海郡臣又聞聖王序天文定地理因山川民俗以制州
界漢家地廣二帝三王凡十二州州名及界多不應徑堯典十有
二州後定爲九州漢家廓地遼遠州牧行部遠者三萬餘里不可
爲九謹以經義正十二州名分界以應正始奏可又增法五十條
犯者從之西海徙者以千萬數民始悉

又分京師置前輝光後丞烈二郡更公卿大夫八十一元士官名
位次及十二州郡國所屬罷置改易天下多事吏不能紀矣

五年夏五月加安漢公莽九錫

是春正月裕祭明堂諸侯王二十八人列侯百二十人宗室又九

百餘人徵助祭禮畢封孝宣曾孫信等三十六人爲列侯餘皆益

戶賜爵金帛之賞各有數是時吏民以莽不受新野田而上書者

黨逆始事

卷一

十三 五二八五

前後四十八萬七千五百七十二人及諸侯王公列侯宗室見者
皆叩頭言宜亟加賞於安漢公於是莽上書曰臣以外屬越次備
位未能奉稱伏念聖德純茂承天當古制禮以治民作樂以移風
四海奔走百蠻並蕪辭去之日莫不隕涕非有款誠豈可虛致自
諸侯王已下至於吏民咸知臣莽上與陛下有葭莩之故又得典
職每歸功列德者輒以臣莽爲餘言臣見諸侯面言事於前者未
嘗不流汗而慙愧也雖性愚鄙至誠自知德薄位尊力少任大夙
夜悼慄常恐汚辱聖朝今天下治平風俗齊同百蠻率服皆陛下
聖德所自躬親太師光太保等輔政佐治羣卿大夫莫不忠良
故能以五年之間王致此焉臣莽實無奇策異謀奉承太后聖詔
宣之于下不能得什一受羣賢之籌畫而上以聞不能得什伍當

被無益之辜所以敢且保首領須臾者誠上休陛下餘光而下伏
羣公之故也陛下不忍衆言輒下其章於議者臣莽前欲立奏止
恐其遂不肯止今大禮已行助祭者畢辭不勝至願願諸章下議
者皆寢勿上使臣莽得盡力畢制禮作樂事事成以傳示天下與
海內平之即有所問非則臣莽當被誅上誤朝之罪如無他謹得
全命賜骸骨歸家避賢者路是臣之私願也惟陛下哀憐財幸甄
耶等白太后詔曰可唯公功德光於天下是以諸侯王公列侯
諸生吏民翕然同辭連守闕庭以下其章諸侯宗室辭去之日復
見前重陳雖曉喻罷遣猶不肯去告以孟夏將行厭賞莫不驩
稱萬歲而退今公每見輒流涕叩頭言願不受賞賞即加不敢當
位方制作未定事須公而決故且聽公制作畢成羣公以聞究于

黨逆始事

卷一

二十四

五二八五

前議其九錫禮儀亟奏於是公卿大夫博士議郎列侯富平侯張
純等九百二人皆曰聖帝明王招賢勸能德盛者位高功大者賞
厚故宗臣有九命上公之尊則有九錫登等之寵今九族親睦百
姓旣意萬國和協黎民時雍聖瑞畢臻太平已洽帝者之盛莫隆
於唐虞而陛下任之忠臣茂功莫著於伊周而宰衡配之所謂興
時而興如合符者也謹以六藝通義經文所見周官禮記宜於今
者爲九命之錫臣請命錫奏可策曰惟元始五年五月庚寅太皇
太后臨于前殿延登親詔之曰公進虛聽朕言前公宿衛孝成皇
帝十有六年納策盡忠白誅故定陵侯淳于長以彌亂發姦登大
司馬職任內輔孝哀皇帝即位驕奢窺欲姦臣萌動公手劾高昌
侯董宏改正故定陶共王母之僭坐自是之後朝臣論議靡不據

經以病辭位歸于第家爲賊臣所陷就國之後孝哀皇帝覺寤復還公長安臨病加據猶不忘公復特進位是夜倉卒國無儲主姦臣克朝危殆甚矣朕惟定國之計莫宜于公引納於朝即日罷退高安侯董賢轉漏之間忠策輒起綱紀咸張綏和元壽再遭大行萬事畢舉禍亂不作輔朕五年人倫之本正天地之位定欽承神祇經緯四時復千載之廢百世之失天下和會大衆方輯詩之靈臺書之作維錫京之制商邑之於今復興昭章先帝之元功明著祖宗之令德推顯嚴父配天之義修立郊禘宗祀之禮以光大孝是以四海雍雍萬國慕義蠻夷殊俗不召自至漸化端冕奉珍助祭尋舊本道遵術重古動而有成事得厥中至德要道通於神明祖考嘉享光耀顯章天符仍臻元氣大同麟鳳龜龍衆祥之瑞

纂逆始事

卷一

王五

七百有餘遂制禮作樂有綏靖宗廟社稷之大勲普天之下惟公是賴官在宰衡位爲上公今加九命之錫其以助祭共文武之職乃遂及厥祖於戲豈不休哉於是莽稽首再拜受祿轂衣冕衣裳瑒瑒瑒秘句履鸞路乘龍馬旂九旒皮弁素積戎路乘馬彤弓矢盧弓矢左建朱鉞右建金戚甲冑一具拒壘二鹵圭瓚二九命青玉珪二朱戶納陛署宗官祝官卜官史官虎賁三百人家令丞各一人宗祝卜史官皆置嗇夫佐安漢公在中府外第虎賁爲門衛當出入者傳籍自四輔三公有事府第皆用傳以楚王邸爲安漢公第大繕治通周衛祖廟廟及寢皆爲朱戶納陛陳崇又奏安漢公祠祖廟出城門城門校尉宜將騎士從入有門衛出有騎士所以重國也奏可其秋莽以皇后有子孫瑞通子午道從杜陵直進

南山徑漢中風俗使者人人還言天下風俗齊同詐僞郡國造歌謠俗功德凡三萬言莽奏定著令又奏爲市無二價官無獄訟邑無盜賊野無饑民道不拾遺男女異路之制犯者象刑劉歆陳崇等皆以治明堂宣教化封爲列侯

真氏曰九錫者天子之禮也齊桓晉文有功於周室所錫者三而已今莽備之是以居攝卽真之漸也其後人臣將篡者必先加此差皆用莽故事云

胡氏續宗曰聖人謂誠能動物而莽以詐僞蔽天下之耳目信之者至五十萬人上古未之有也此知人之難而堯舜猶病也劉氏曰書加命猶自上出也以莽之權而猶自上出何於是乎帝尚幼太后曹之書加所以病太后也

纂逆始事

卷一

王五

冬十二月安漢公莽弑帝

泉陵侯劉慶上書言成王幼時稱孺子周公居攝今帝當於春秋宜令安漢公攝行天子事如成王周公故事羣臣皆曰宜如慶言時帝春秋益壯以衛后故死不悅莽因臘日上椒酒置毒酒中帝有疾莽作策請命於泰時願以身代藏策金匱置於前殿敕諸公勿敢言丙午帝崩

班固曰孝平之世政自莽出褒善顯功以自尊盛觀其文辭方外百蠻無思不服休徵嘉應頌聲並作至於變異見於上民然於下莽亦不能文也

尹氏曰平帝之終前史雖明言置毒酒中然皆以帝崩爲文至綱目始正名定罪直書弑逆者所以誅亂臣賊子爲萬世戒爾

凡莽紛紛制作褒賞殺戮不可勝紀綱目雖不盡削要之大逆

大惡之人其矯偽之迹初無足深論者故亦得略之

太皇太后詔徵宣帝玄孫又詔安漢公恭居攝踐祚

太后與羣臣議立嗣時元帝世絕而宣帝曾孫有見王五人列侯四十八人恭惠其長大曰兄弟不得相為後乃悉徵宣帝玄孫選之是月前輝光謝薨奏武功長孟通浚井得白石上圖何方有丹書著石文曰告安漢公恭為皇帝符命之起自此始矣恭使韋公以白太后太后曰此誣罔天下不可施行之保舜謂太后事已如此無可奈何沮之力不能止又莽非敢有他但欲稱攝以重其權填服天下耳太后聽許舜等即共令太后下詔曰孝平皇帝短命而崩已使有司徵孝宣皇帝玄孫二十三人差度宜者以嗣者于

篡逆始事

卷一

王七

皇帝之後玄孫年在襁褓不得至德君子孰能安之安漢公恭輔政三世與周公異世同符今前輝光薨武公長通上言丹石之符深思厥意云為皇帝者乃攝行皇帝之事也夫有法成易非聖人者無法其令安漢公居攝踐祚如周公故事以武功縣為安漢公采地名曰漢光具禮儀奏於是羣臣奏言請安漢公盛祚朕天子轂冕背斧依於戶牖之間南面朝羣臣聽政其車服警蹕民臣稱臣妾皆如天子之制祭贊曰假皇帝民臣曰攝皇帝自稱曰予乎決朝事常以皇帝之詔稱制其朝見太后皇帝皇后皆復臣節自施政教於其宮家國采如諸侯禮儀故事太后詔曰可明年改元曰居攝

厄言曰莽假符命以白太后太后惟曰此誣罔事不可施行王

舜以力不能上而太后聽許則莽之篡謀太后此時已知之

太后如真有漢社稷之心於此出一策以退之不然則出一言

以沮之則莽雖姦慝未必能加害於太后即不能謀亦足

明太后之無他不至於舉朝附莽也太后豈欲篡漢故久擅

母后之尊獨專外家之盛兩立幼主八命加莽皆為已利耳及

莽改國號並改太后之號然後握璽涕泣是亦自哀失權非哀

漢也若元后者蓋亦萬世之罪人距呂武何遠焉

孺子嬰居攝元年丙子春正月莽祀南郊

莽祀上帝於南郊迎春於東郊行大射禮於明堂養三老五更成

禮而去置柱下五史秩如御史聽政事侍旁記疏言行

尹氏曰莽之竊國固無足言然自居攝以前綱目皆書其官者

篡逆始事

卷一

王八

明其猶為漢之臣子也至是始削去之而稱王莽自此以後止書莽矣

三月立宣帝玄孫嬰為皇太子號曰孺子

嬰廣戚族之子也年二歲莽託以為卜相最吉立為皇太子號曰

孺子以王舜為太傅左輔甄豐為大阿右拂甄邯為太保後永又

置少秩皆二千石

夏四月安眾侯劉崇起兵討莽不克死之

安眾侯劉崇與張詔謀曰安漢公恭專制朝政必危劉氏天下

非之者乃莫敢先舉此宗室耻也吾帥宗族為先海內必和紹等

從者八徐人遂進攻宛不得入而敗紹者張疎之從兄也疎與宗

族父劉嘉詣關自歸莽赦弗罪疎因為嘉作奏曰建平元壽之間